



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԴԱՏԱԿԱՆ ԴԵՊԱՐՏԱՄԵՆՏԻ ՂԵԿԱՎԱՐ

0009, ք.երևան, Կորյունի 15, Հեռ: (00374 10) 511-771

№ԴԴ-1 Վ-7772

«17» սեպտեմբերի 2021թ.

«ԱԳԼ ԳՐՈՒՊ» ՍՊԸ ՏՆՕՐԵՆ
ԿԱՐԻՆԵ ԳԵՎՈՐԳՅԱՆԻՆ

Հասցե՝ ք. Երևան, Նոր Նորքի 4-րդ զանգված,
Բակունցի 4/35

Հարգելի՛ տիկին Գևորգյան,

Հայտնվում է, որ համաձայն Դատական դեպարտամենտի և Ձեր ընկերության միջև 2021 թվականի մայիսի 5-ին կնքված թիվ ԴԴ-ԳՀԱՇՁԲ-21/01-1 պայմանագրի (այսուհետ՝ Պայմանագիր) 1.3-րդ կետի՝ շինարարական աշխատանքները պետք է կատարվեն Պայմանագրով նախատեսված կողմերի իրավունքների ու պարտականությունների կատարման պայմանն ուժի մեջ մտնելու օրվանից հաշված 45 օրացուցային օրվա ընթացքում: Պայմանագրով նախատեսված կողմերի իրավունքների ու պարտականությունների կատարման պայմանն ուժի մեջ է մտել սույն թվականի մայիսի 7-ին և Պայմանագրով սահմանված աշխատանքների կատարման վերջնաժամկետ է սահմանվել սույն թվականի հունիսի 21-ը ներառյալ:

Դատական դեպարտամենտի 17.06.2021 թվականի թիվ ԴԴ-3-Ե-4665, 22.06.2021 թվականի թիվ ԴԴ-3-Ե-4806, ինչպես նաև՝ 09.07.2021 թվականի թիվ ԴԴ-3-Ե-5325 գրություններով (կցվում են) Դուք տեղեկացվել եք Պայմանագրով նախատեսված շինարարական աշխատանքները ժամանակին չկատարելու և դատարանի բնականոն գործունեության խաթարման մասին:

Համաձայն Պայմանագրի 3.1.2 կետի՝ Դատական դեպարտամենտը 09.07.2021 թվականին թիվ ԴԴ-3-Ե-5325 գրությամբ՝ Պայմանագրով նախատեսված շինարարական աշխատանքներն ավարտին հասցնելու համար սահմանել է աշխատանքների կատարման նոր՝ 20 աշխատանքային օրյա ժամկետ, սակայն մինչ օրս այդ աշխատանքները կատարված չեն:

Հիմք ընդունելով վերոգրյալը, ինչպես նաև այն հանգամանքը, որ Ձեր կողմից խախտվել են Պայմանագրի 1.3-րդ և 3.4.5-րդ կետերով սահմանված պարտավորությունները, և ղեկավարվելով Պայմանագրի 3.1.4-րդ կետի «ա» և «բ» ենթակետերի պահանջներով՝ տեղեկացվում է, որ.

1. Դատական դեպարտամենտը միակողմանի լուծում է Պայմանագիրը,

2. սույն ծանուցումն ստանալուց հետո հնարավորինս սեղմ ժամկետում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 40 894 ՀՀ դրամ՝ որպես տույժ՝ Պայմանագրի 6.2-րդ կետի համաձայն, ինչպես նաև 20 447 ՀՀ դրամ՝ որպես տուգանք՝ Պայմանագրի 6.3-րդ կետի համաձայն:

**Հարգանքով՝
ՊԱՇՏՈՆԱԿԱՏԱՐ**



ԽԱՉԻԿ ՂԱԶԱՐՅԱՆ

<< ԱԳԼ ԳՐՈՒՊ >> ՍՊԸ

<<AGL GROUP>> LTD

<<ԱԳՂ ԳՐՍՄ>>ՕՕՕ

ք. Երևան, Լոր Լորքի 4-րդ զանգված
Բակունցի 4/35

հեռ. 098-79-31-01, 044-44-44-20

Email-sayuntc@mail.ru

Դատական դեպարտամենտի

դեկավար Կ. Փոլադյանին

Հարգելի պարոն Փոլադյան


Դատական դեպարտամենտի և << ԱԳԼ ԳՐՈՒՊ >> ՍՊԸ-ի միջև 05.05.2021թ-ի կնքված «ԴԴ-ԳՀԱՇՁԲ-21/01-1» ծածկագրով պետության կարիքների համար կապալային աշխատանքների կատարման պետական գնման պայմանագրի ժամկետը ըստ պայմանագրի ժամանակացույցի լրանում է 19.06.2021թ-ին: Խնդրում եմ պետության կարիքների համար կապալային աշխատանքների կատարման վերջնաժամկետը երկարաձգել ևս 30 օրացույցային օրով:

Կանխավ շնորհակալություն

<< ԱԳԼ ԳՐՈՒՊ >> ՍՊԸ տնօրեն՝
Digitally signed by GEVORGYAN KARINE
5410560361
Date: 2021.06.11 16:28:23 AMST

Կ. Գևորգյան

11.06.2021թ.





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԿԱՆ ԴԵՊԱՐՏԱՄԵՆՏ

0009, ք.երևան, Կորյունի 15/1, Հեռ: (00 37410) 511-773

№ ԴԴ - 3 Ա-4665

« 17 » հունիսի 2021թ.

**«ԱԳԼ ԳՐՈՒՊ» ՍՊԸ ՏՆՕՐԵՆ
ԿԱՐԻՆԵ ԳԵՎՈՐԳՅԱՆԻՆ**

Հասցե՝ ք. Երևան, Նոր Նորքի 4-րդ զանգված,
Բակունցի 4/35

Ի պատասխան Ձեր՝ 11.06.2021թ-ի
գրության (մուտքի համար՝ թիվ Մ-7203)

Հարգելի՛ տիկին Գևորգյան,

Ուսումնասիրելով Ձեր գրությամբ ներկայացված խնդրանքը՝ տեղեկացվում է, որ Դատական դեպարտամենտի կողմից կքննարկվի 2021 թվականի մայիսի 5-ին կնքված թիվ ԴԴ-ԳՀԱՇՁԲ-21/01-1 պայմանագրով կապալային աշխատանքների կատարման համար սահմանված ժամկետի երկարաձգման հարցը՝ Ձեր կողմից ժամկետի երկարաձգման համար համապատասխան հիմնավորումներ ներկայացնելու դեպքում:

Միաժամանակ, հարկ եմ համարում հիշեցնել նաև, որ վերոհիշյալ պայմանագրով Կապալառուի ստանձնած պարտավորությունների չկատարման կամ ոչ պատշաճ կատարման դեպքում, Պատվիրատուն միջոցներ կձեռնարկի ՀՀ օրենսդրությամբ և պայմանագրով նախատեսված պատասխանատվության միջոցների կիրառման համար:

**ՂԵԿԱՎԱՐԻ ՖԻՆԱՆՍԱՏՆՏԵՍԱԿԱՆ
ՀԱՐՑԵՐՈՎ ՏԵՂԱԿԱԼ**

ԼԵՎՈՆ ՀՈՎՀԱՆՆԻՍՅԱՆ

<< ԱԳԼ ԳՐՈՒՊ >> ՍՊԸ

<<AGL GROUP>> LTD

<<ԱԴՂ ԴՐՍՄ>>ՕՕՕ

ք. Երևան, Նոր Նորքի 4-րդ գանգված
Բակունցի 4/35

հեռ. 098-79-31-01, 044-44-44-20

Email-sayuntc@mail.ru

Դատական դեպարտամենտի
ղեկավար Կ. Փոլադյանին

Հարգելի պարոն Փոլադյան

Ի պատասխան դատական դեպարտամենտի գնումների համակարգման բաժնի կողմից
<< ԱԳԼ ԳՐՈՒՊ >> ՍՊԸ-ին ուղղարկված Ե-4665 գրության համաձայն, << ԱԳԼ ԳՐՈՒՊ >>
ՍՊԸ-ն ներկայացնում է ժամկետի երկարացմանը վերաբերվող հիմնավորում:

Ուսումնասիրելով Սյունիքի մարզի առաջին աստյանի ընդհանուր իրավասության
դատարանի Կապանի նստավայրի ընթացիկ նորոգման աշխատանքների կատարման
ծավալաթերթ-նախահաշիվը, եկանք հետևյալ մասնագիտական
եզրակացության: Ծավալաթերթ-նախահաշվի առաջին կետը՝ որը եղել է ոչ կոնստրուկտիվ
և սխալ, այն է 3 սմ հաստությամբ ցեմենտ-ավազե շերտի փոխարեն ապամոնտաժել ենք
հարթ տանիքի ջրամեկուսացման շերտը (իզոգամ), և բիտումային հեղուկ մածիկի վրա
կատարել ենք ջրամեկուսացման շերտի (իզոգամի) մոնտաժման աշխատանքներ:
Ավելացնեմ որ շինաշխատանքներին խոչնդոտել են նաև ոչ բարենպաստ անձրևային
եղանակային պայմանները:

Կանխավ շնորհակալություն

Digitally signed by GEVORGYAN KARINE
<5410560561> << ԱԳԼ ԳՐՈՒՊ >> ՍՊԸ, անձրևային
Date: 2021.06.18 15:02:40 AMST

Կ. Գևորգյան

18.06.2021թ.





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԿԱՆ ԴԵՊԱՐՏԱՄԵՆՏ

0009, ք. Երևան, Կոռյունի 15/1, Հեռ: (00 37410) 511-773

№ ԴԴ - 3 Ն-4806

« 22 » հունիսի 2021թ.

**«ԱԳԼ ԳՐՈՒՊ» ՍՊԸ ՏՆՕՐԵՆ
ԿԱՐԻՆԵ ԳԵՎՈՐԳՅԱՆԻՆ**

Հասցե՝ ք. Երևան, Նոր Նորքի 4-րդ զանգված,
Բակունցի 4/35

Ի պատասխան Ձեր՝ 18.06.2021թ-ի
գրության (մուտքի համար՝ թիվ Մ-7640)

Հարգելի՛ փիկին Գևորգյան,

Ուսումնասիրելով Ձեր գրությամբ ներկայացված հիմնավորումը՝ տեղեկացվում է, որ համաձայն Դատական դեպարտամենտի և Ձեր ընկերության միջև 2021 թվականի մայիսի 5-ին կնքված թիվ ԴԴ-ԳՀԱՇՁԲ-21/01-1 պայմանագրի (այսուհետ՝ Պայմանագիր) 1.3-րդ կետի՝ շինարարական աշխատանքները պետք է կատարվեն Պայմանագրով նախատեսված կողմերի իրավունքների ու պարտականությունների կատարման պայմանն ուժի մեջ է մտնելու օրվանից 45 օրացուցային օրվա ընթացքում: Պայմանագրով նախատեսված կողմերի իրավունքների ու պարտականությունների կատարման պայմանն ուժի մեջ է մտել սույն թվականի մայիսի 7-ին, այնինչ Ձեր համապատասխան մասնագետների կողմից շինարարական աշխատանքներն սկսվել են մայիսի 28-ին՝ քսան օր ուշացումով: Ավելին, հինգ օր հետո՝ հունիսի 2-ից այդ աշխատանքներն անհայտ պատճառներով դադարեցվել են և նորից վերսկսվել են սույն թվականի հունիսի 8-ին, որոնք անկանոն կերպով՝ ընդհատումներով, շարունակվել են մինչև հունիսի 18-ը ու կրկին անհասկանալի պատճառներով դադարեցվել: Ըստ էության, Ձեր կողմից Պայմանագրով սահմանված շինարարական աշխատանքները կանոնավոր կերպով իրականացնելու պարագայում՝ 45 օրացուցային օրը լիովին կբավարարեր այդ աշխատանքներն ավարտին հասցնելու համար:

Ինչ վերաբերում է Ձեր այն պնդմանը, որ շինարարական աշխատանքների ծավալաթերթ-նախահաշվի 1-ին կետում եղել են անհամապատասխանություններ, որի պատճառով շինարարական աշխատանքները սահմանված ժամկետում չեն ավարտվել, ապա նշված պնդումը հիմնավոր չէ, քանի որ շինարարական աշխատանքների կատարման ընթացքում Ձեր կողմից երբևէ հարց չի բարձրացվել տվյալ խնդրի վերաբերյալ:

Միաժամանակ, հարկ եմ համարում ևս մեկ անգամ հիշեցնել, որ վերոհիշյալ պայմանագրով Կապալառուի ստանձնած պարտավորությունների չկատարման կամ ոչ պատշաճ կատարման դեպքում, Պատվիրատուն միջոցներ կձեռնարկի ՀՀ օրենսդրությամբ և պայմանագրով նախատեսված պատասխանատվության միջոցների կիրառման համար:

**ՂԵԿԱՎԱՐԻ ՖԻՆԱՆՍԱՏՆՏԵՍԱԿԱՆ
ՀԱՐՅԵՐՈՎ ՏԵՂԱԿԱԼ**



ԼԵՎՈՆ ՀՈՎՀԱՆՆԻՍՅԱՆ

Կատ. Նյութատեխնիկական ապահովման և
գնումների համակարգման վարչություն
հեռ. 511-782



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԿԱՆ ԴԵՊԱՐՏԱՄԵՆՏ

0009, ք. Երևան, Կորյունի 15/1, Հեռ: (00 37410) 511-773

№ ԴԴ - 3 Դ-5325

« 09 » հուլիսի 2021թ.

**«ԱԳԼ ԳՐՈՒՊ» ՍՊԸ ՏՆՕՐԵՆ
ԿԱՐԻՆԵ ԳԵՎՈՐԳՅԱՆԻՆ**

Հասցե՝ ք. Երևան, Նոր Նորքի 4-րդ զանգված,
Բակունցի 4/35

Հարգելի՛ տիկին Գևորգյան,

Սույնով տեղեկացվում է, որ համաձայն Դատական դեպարտամենտի և Ձեր ընկերության միջև 2021 թվականի մայիսի 5-ին կնքված թիվ ԴԴ-ԳՀԱՇՁԲ-21/01-1 պայմանագրի (այսուհետ՝ Պայմանագիր) 1.3-րդ կետի՝ շինարարական աշխատանքները պետք է կատարվեին Պայմանագրով նախատեսված կողմերի իրավունքների ու պարտականությունների կատարման պայմանն ուժի մեջ մտնելու օրվանից հաշված 45 օրացուցային օրվա ընթացքում: Պայմանագրով նախատեսված կողմերի իրավունքների ու պարտականությունների կատարման պայմանն ուժի մեջ է մտել սույն թվականի մայիսի 7-ին և Պայմանագրով սահմանված աշխատանքների կատարման վերջնաժամկետ է սահմանվել սույն թվականի հունիսի 21-ը ներառյալ:

Հաշվի առնելով այն հանգամանքը, որ Ձեր կողմից շինարարական աշխատանքներն սկսվել են բավականին ուշացումով և շարունակվել ընդհատումներով ու մինչ օրս ավարտված չեն, այդ իսկ պատճառով, հիմք ընդունելով Պայմանագրի 3-րդ կետի 3.1.2-րդ ենթակետը, Դատական դեպարտամենտը սահմանում է նոր ժամկետ՝ 20 աշխատանքային օր, շինարարական աշխատանքներն ավարտին հասցնելու նպատակով:

Միաժամանակ, հարկ եմ համարում ևս մեկ անգամ հիշեցնել, որ Պայմանագրով Կապալառուի ստանձնած պարտավորությունների չկատարման կամ ոչ պատշաճ կատարման դեպքում, Պատվիրատուն միջոցներ կձեռնարկի Պայմանագրի միակողմանի լուծման, ինչպես նաև ՀՀ օրենսդրությամբ և Պայմանագրով նախատեսված պատասխանատվության միջոցների կիրառման համար:

**ԴԵԿԱՎԱՐԻ ՖԻՆԱՆՍԱՏՆՏԵՍԱԿԱՆ
ՀԱՐՑԵՐՈՎ ՏԵՂԱԿԱԼ**

ԼԵՎՈՆ ՀՈՎՀԱՆՆԻՍՅԱՆ